



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS

TSHIVENDA LUAMBO LWA HAYANI (HL)

BAMMBIRI LA VHURARU (P3)

2022

MARAGA: 100

TSHIFHINGA: Awara 3

Bammbiri ili li na masiatari a 6.

NDAELA NA MAFHUNGOTHANGELI

1. Heli bammbiri li na khethekanyo MBILI:

KHETHEKANYO YA A: Maanea (50)
KHETHEKANYO YA B: Zwibveledzwa zwa Vhudavhidzani: (2 x 25) (50)
2. Ni lavhelelwa u fhindula mbudziso NTHIHI u bva kha KHETHEKANYO YA A, na MBILI u bva kha KHETHEKANYO YA B.
3. Nwalani nga luambo lune na khou lingwa khalwo.
4. Thomani KHETHEKANYO INWE na INWE kha siatari LISWA.
5. Ni fanela u pulana (sa tsumbo ni tshi shumisa mapa wa muhumbulo/nyolo/tshati ya nyelelo/maipfi a re khii), u sedzulusa na u vhalulula mushumo wanu. Pulane i fanela u vhonala yo RANGELA phindulo yanu.
6. Vhupulani hothe vhu fanela u sumbedzwa zwi khagala. Ni tsivhudzwa u tala mutalo wo buaho vhukati ha vhupulani hothe.
7. Ni tsivhudzwa nga ndila yo khwathisedzwaho vhukuma u shumisa tshifhinga tshañu nga ndila i tevhelaho:

KHETHEKANYO YA A: u ya kha minetse ya 100
KHETHEKANYO YA B: u ya kha minetse ya 80 (2 x 40)
8. Nomborani phindulo dzanu zwi tshi anana na kunomborelwwe kwa mbudziso kwo shumiswaho kha ili bammbiri la mbudziso.
9. Thoho i SONGO dzhielwa nthia musi ni tshi vhala tshivhalo tsha maipfi.
10. Nwalani nga vhudele, nahone zwi no vhalea.

KHETHEKANYO YA A: MAANEA**MBUDZISO YA 1**

Fhindulani mbudziso NTHIHI fhedzi kha dza malo dzi tevhelaho. Vhulapfu ha phindulo yanu vhu vhe maipfi a u bva kha a 400 u swika kha a 450. Nwalani NOMBORO na THOHO ya maanea e na nanga.

Tsumbo: 1.4 Ndi tshi fhira afho fhethu maṭo anga a nzwuruma malofha.

- | | | |
|-----|--|------|
| 1.1 | U tambudzwa hanga zwo ḥodou ita uri ndi shavhe tshikolo. | [50] |
| 1.2 | Vhubindudzi, thandululo makone ya u takula ikonomi kha ḥino. | [50] |
| 1.3 | Vhurereli ndi thikho ya mikhwa na mvelele yashu. Ṭatani. | [50] |
| 1.4 | Ndi tshi fhira afho fhethu maṭo anga a nzwuruma malofha. | [50] |
| 1.5 | Zwileludzi zwa vhudavhidzani, zwitutuwedzi zwa dzikhakhathi. | [50] |
| 1.6 | Hune ha vha na bono hu na mitshelo mivhuya. | [50] |
| 1.7 | Zwifanyiso zwi tevhelaho zwi nga ḥokonya kana zwa vusa zwipfi zwanu, kana zwa dzikusa kuvhonele kwanu kwa zwithu. Dinangeleni tshifanyiso ni kone u nwala maanea. Nwalani nomboro ya mbudziso ye na nanga (1.7.1 kana 1.7.2), ni kone-ha u ḥea maanea aṇu ḥoho yo teaho. | |

PFESESANI: Hu tea u vha na vhutumani vhu re khagala vhukati ha maanea aṇu na tshifanyiso tshe na nanga.

1.7.1



[Tshi bva kha <http://www.google.images>]

[50]

1.7.2



[Tshi bva kha <http://www.google.images>]

[50]

THANGANYELO YA KHETHEKANYO YA A:

50

KHETHEKANYO YA B: ZWIBVELEDZWA ZWA VHUDAVHIDZANI**MBUDZISO YA 2**

- Phindulani mbudziso MBILI kha dza rathi dici tevhelaho.
- Vhulapfu ha mutumbu wa phindulo iñwe na iñwe vhu vhe maipfi a u bva kha a 180 u swika kha a 200.
- Dzhielani nzhele zwi tevhelaho:
 - Vha tanganedzaho mafhungo, redzhistara, thouni na tshitaila.
 - Munanguludzo wa maipfi na tshivhumbeo tsha luambo.
 - Tshivhumbeo.
- Nwalani NOMBORO na THOHO ya tshibveledzwa tshe na nanga.

Tsumbo: 2.1 VHURIFHI HA TSHIOFISI (FOMALA)

2.1 VHURIFHI HA TSHIOFISI (FOMALA)

Vhuponi ha hanu vhunzhi ha vhaswa vhane vha wana magavhelo a vhathe vha sa shumi, vha renga mahalwa, vha nwa vha kambiwa vha vho sokou tshimbila dzibadani vha sa tsha londa. Mapholisa na vhone a vha tsha kaidza, vha sokou litsha zwo ralo. Inwi sa mudzulapo, ni vhone kuitele ukwu kwo khakhea.

Nwalelani mulangatshitshi tsha mapholisa a tsini ni tshi sumbedza u sa farea zwavhu ñi nga maitele aya. [25]

2.2 IMEILI

Inwi ni muswa ane a vha na vhukoni ha nthesa kha zwa pfunzo nahone no lindela u ño ñwala mulingo wa giredi ya 12 vhukati ha ñwaha uno. Zwo ralo no ñelwa nga muhumbulo wa u thusa vhana vha tshikolo nga dzitshuñwahaya na minwe mishumo ya tshikolo, saizwi vha sa yi tshikoloni maduvha otthe.

Nwalelani imeili ramabindu wa tsini ni tshi khou humbelu u shumisa tshinwe tsha zwifha ño zwawe kha u bveledza muhumbulo uyo. [25]

2.3 ATHIKILI YA GURANNDÀ

Vhuponi ha hanu, vhabvana na vhananyana vha dzulela u tamba magarata lutakani lwa henefho tsini vho sia vhana mahayani. Tshi dinaho ndi tsha uri vho lwa vha t̄havhana nga dziphanga. Inwi no vhone ga ña ilo, na vho humbelwa nga ramafhungo wa gurannda ya Tumbulalushaka uri ni divhadze lushaka nga ha nyethe iyo.

Nwalani athikili ya gurannda ine na ño i ñekedza ramafhungo uyo. [25]

2.4 MUvhigo wa Fomala

Tshikoloni tshire na dzhena khatsho hu vhonala dzema la u fhidza ha vhagudi kha ngudo dzavho hu si na thendelo, zwiito izwo zwi anzela u itea nga Musumbuluwo na Lavhutanu. Inwi sa muñwaleli wa Khoro ya Vhagudi, no humbelwa nga Thohoyatshikolo u sedzulusa ilo fhungo.

Nwalani muvhigo une na do u nekedza Thohoyatshikolo.

[25]

2.5 NGANEAVHUTSHILO YA MUFU

Muvhunduni wa hañu ho vha na khombo ya goloi ye ya wa musi yo hwala vhatambi vha bola vha heneffo. Mashudumavhi khotsimunene wañu Vhondidivhani Matiosi Tshibannndidi vhe vha vha vhe mugudisi wa vhatambi avho, vho mbo di lovhela heneffo. Kha ndado yeneyo no humbudza tshilikadzi ya mufu uri nganeavhutshilo vha i litshele zwandani zwañu.

Nwalani nganeavhutshilo ine na do i vhala nga duvha la mbulungo yavho.

[25]

2.6 TSHIPITSHI

Nga murahu ha u wana thuso ya u kunakiswa kha zwidzidzivhadzi ngei kha tshiimiswa tshi kunakisaho vho mbwandamelaho khazwo. No vhidzwa nga vhulangi ha tshikolo tsha Phenyo uri ni vhe phangami ya u kaidza na u dovha na eletshedza vhagudi kha masiandaitwa a zwidzidzivhadzi saizwi no vha ni mushumisi wazwo.

Nwalani tshipitshi tshire na do tshi vhala afho tshikoloni nga duvha la tsivhudzo ya lushaka kha khombo ya u shumisesa zwidzidzivhadzi.

[25]

**THANGANYELO YA KHETHEKANYO YA B:
MARAGAGUTE:**

50

100